

Trust and Security through Cooperation



Support to Law Enforcement

Projekat "EU podrška provedbi zakona" Posebno izdanje

U FOKUSU



Karl Lesjak, voditelj Projekta

Sada kada je odobren plan za završnu fazu implementacije projekta od Upravnog odbora, potvrđeno je da smo na pravom putu i možemo se potpuno fokusirati na važne aktivnosti koje su preostale. Raduje me što odluka Europolu o otpočinjanju pregovora o operativnom sporazumu s BiH dolazi u isto vrijeme s početkom treće faze projekta, tako da smo u prilici osigurati ekspertizu iz zemalja članica konzorcija, kako bi pomogli BiH tokom pregovora.

Pored glavnih prioriteta, poput borbe protiv organizovanog kriminala i korupcije, u fokusu naše pažnje i dalje će biti saradnja policije i pravosuđa. Sad kada je pripremljena i prva SOCTA, daljnja pomoć će biti koncentrisana na razvoj nove bh. strategije za borbu protiv organizovanog kriminala. Zbog očigledne potrebe za jačanjem kapaciteta u oblasti sigurnosti pristupa podacima i zaštite ličnih podataka, projekat će poduzeti i sve potrebne aktivnosti da se primjene EU standardi na polju zaštite podataka.

Aktivnosti u vezi s borbom protiv korupcije će biti usmjerene na provođenje metodologija procjene institucionalnih kapaciteta i plana integriteta koje je razvila Agencija za prevenciju korupcije i koordinaciju borbe protiv korupcije, koje su testirane u policiji Brčko distrikta, a sada će biti primjenjene i u Direkciji za koordinaciju policijskih tijela BiH,

te Graničnoj policiji. Set od 18 pravnih standarda koji čine minimum polaznih osnova u oblasti oduzimanja nelegalno stečene imovine, upućen je odgovarajućim organima, s pratećim pismom Ministarstva sigurnosti BiH i Projekta, u kome se traži implementacija ovih standarda na različitim zakonodavnim nivoima. Projekat će pomoći ovaj važan proces, gdje god to bude potrebno.



Novu strategiju Granične policije BiH i akcioni plan, pripremljene u saradnji s rukovodstvom Granične policije, direktori su potpisali i provedba počinje od 01. januara. Ovo su samo neke od aktivnosti projekta u proteklih nekoliko mjeseci.

Kroz Projekat ćemo nastaviti naglašavati važnost snažnog angažmana svih korisnika u svim fazama implementacije, uključujući proces definisanja ciljeva i razvijanja planova. Ovakav model rada je preporučila i monitoring misija kao mogući primjer rada koji bi bh. partnerima omogućio efikasnije rješavanje složenih pitanja iz oblasti provedbe zakona. Uvjeren sam da će sve uključene strane održati visok nivo posvećenosti projektu do samog kraja. Želim izraziti zahvalnost članovima tima: voditeljici programa Brigitte Kuchar iz EU Delegacije u BiH, te bh. koordinatore projekta Samiru Rizvi, pomoćniku ministra sigurnosti, bez čijeg zalaganja ništa od navedenog ne bi bilo moguće.



Ovaj projekat finansira Evropska unija



EU SUPPORT TO LAW ENFORCEMENT

Projekat implementira konzorcij koji predvodi
Savezno ministarstvo unutrašnjih poslova
Republike Austrije

Ambasador Peter Sorensen, šef Delegacije Evropske unije u Bosni i Hercegovini i specijalni predstavnik EU



EU projekat podrške provedbi zakona ulazi u završnu fazu, te je stoga prikladno osvrnuti se na njegove rezultate u oblasti 'vladavine prava' u Bosni i Hercegovini – ključnoj oblasti za djelovanje, kao što je naglašeno i u nedavno objavljenom Izvještaju Evropske komisije o napretku – te predstojećim izazovima.

Sveobuhvatni cilj projekta je pomoći BiH u ispunjavanju standarda EU u oblasti vladavine prava, posebno Poglavlja 23 (pravosuđe i temeljne slobode) i Poglavlja 24 (pravda, sloboda i sigurnost). Tačnije, cilj projekta je bio pomoći agencijama za provedbu zakona da unaprijede kapacitete i sposobnosti u borbi protiv kriminala i korupcije, te da poboljšaju saradnju s tužiocima, kao i međunarodnu saradnju. Nedavno održan sastanak s policijskim rukovodstvom pokazao je da je projekat na pravom putu.

Borba protiv organizovanog kriminala i korupcije od iznimne je važnosti u svim društvima, tako da je projekat pružio pomoć i savjete pri izradi prve Procjene prijetnje od ozbiljnog i organizovanog kriminala (SOCTA), u skladu s metodologijom Europol. Tokom izrade ovog dokumenta, prvi put su agencije za provedbu zakona ustupile obavještajne podatke neophodne da se zajednički utvrde glavne prijetnje u ovoj oblasti. Ovakav vid saradnje je srž efektivne borbe protiv kriminala, a ovo iskustvo se sada može dobro iskoristiti u BiH s ciljem razvijanja redovnije razmjene obavještajnih podataka između agencija. Projekat je, također, objednio postojeću ekspertizu u BiH u tim eksperata iz svih bh. agencija za provedbu zakona, koji zajedno rade na strateškoj i operativnoj analizi.

Ovo je samo prvi korak. Nadamo se da će Vijeće ministara BiH usvojiti ovaj dokument do kraja godine, te da će uslijediti utvrđivanje jasnih prioriteta u borbi protiv organizovanog i ozbiljnog kriminala. Strategiju iz pisane forme treba konkretizovati u uspješne mjere prevencije, istrage i kažnjavanja.

Druga ključna oblast u borbi protiv organizovanog kriminala je osigurati oduzimanje nezakonito stečene imovine kriminalcima. Ovo je izuzetno efektivna mjera. S tim u vezi, projekat je nedavno predstavio minimum pravnih standarda za oduzimanje nezakonito stečene imovine. Sada je potrebno da vlade i parlamenti na svim nivoima ulože značajne napore kako bi se ovi standardi proveli u zakonodavne okvire u BiH. Time će biti omogućena uspostava efikasnih mehanizama kako bi se osiguralo da se kriminal ne isplati. Saradnja između policije i tužilaca širom zemlje, posebno u krivičnim istragama, nedavno je dodatno ojačana prvim nizom odgovarajućih instrukcija. Najviši policijski i pravosudni zvaničnici su se svojim potpisom obavezali na sprovedbu kako bi policija i tužiocima funkcionirali kao dobro koordiniran i efikasan tim – što vodi ka, nadamo se, uspješnijem krivičnom gonjenju. Projekat će osigurati relevantne obuke kako bi se ova saradnja ostvarila. Međutim, ostvareni rezultati će se mjeriti evidencijom provedenih postupaka.

Kad je riječ o međunarodnoj saradnji, Europol je odlučio da započne pregovore o operativnom sporazumu s BiH, koji bi smanjio opcije bjeguncima od pravde, a državu uveo u našu evropsku mrežu. Izgledno je i potpisivanje sporazuma s Evropskim policijskim koledžom (CEPOL) u organizaciji projekta. Ovim će bh. policijski službenici imati pristup nastavnim e-materijalima, učešću u policijskim obukama u različitim evropskim državama i biti u mogućnosti ugostiti predavače s kojima će zajedno raditi na razvoju edukacijskih programa za policiju.

Iznimno mi je drago što je saradnja s vlastima Bosne i Hercegovine u ovoj oblasti na vrlo dobrom nivou i koristim priliku da čestitam ministrima Radončiću, Kurtešu i Jovičiću, njihovim savjetnicima i osoblju na predanosti i konkretnom angažmanu. Zahvaljujući njihovom učešću i podršci, finansijska sredstva EU u BiH su efektivno iskorištena u ovoj oblasti.

Sve su ovo dokazi napretka u izgradnji profesionalne saradnje i efektivnijeg rada. I to će, vjerujemo, u narednim godinama, dovesti bh. policijske službe na nivo kolega iz država članica EU. Dio je to šire priče o približavanju BiH EU i eventualnog članstva. Postignuto je mnogo. Mnogo toga treba još uraditi - EU ostaje posvećena pružanju podrške i pomoći našim bh. partnerima, koji imaju i naravno i dalje će imati vodeću ulogu.



Ovaj projekat finansira Evropska unija



Projekat implementira konzorcij koji predvodi
Savezno ministarstvo unutrašnjih poslova
Republike Austrije

Fahrudin Radončić, ministar sigurnosti Bosne i Hercegovine



Stavom Evropske unije kako je došlo vrijeme da bh. vlasti preuzmu vlasništvo nad pitanjima vladavine prava u državi i suoče se s izazovima koje nosi pridruživanje EU, institucijama BiH je poslana jasna poruka da su odgovorni za dalji napredak na evropskom putu. Za ispunjavanje tih obaveza, osim opredijeljenosti bh. vlasti, itekako je neophodna ekspertska pomoć i iskustva iz zemalja članica EU.

Iskustva država koje su se pridružile EU pokazuju da su poglavlja o Pravosuđu i osnovnim pravima te Pravda, sloboda i sigurnost bila najizazovnije za zaključenje. Također, zahvaljujući iskustvu susjednih zemalja, možemo očekivati da će BiH proces pregovaranja otvoriti s ova dva poglavlja.

Upravo, Projekat EU podrška provedbi zakona nadopunjava nastojanja bh. agencija za provođenje zakona da ostvare napredak u ovoj oblasti – da poboljšaju kapacitete i mogućnosti za borbu protiv organizovanog kriminala i korupcije, prošire saradnju s tužilaštvima i iskoriste prednosti regionalne i međunarodne policijske saradnje, razmjene iskustava i najboljih praksi.

U njegovom provođenju, uvažene su potrebe i prioriteti bh. agencija za provedbu zakona, a vodilo se računa i o EU standardima i prioritetima, koji će morati biti ispunjeni tokom procesa pridruživanja. Također, sve aktivnosti su organizovane u saradnji s korisnicima projekta na svim nivoima i pokazalo se da mogu raditi zajedno, bez obzira iz koje institucije dolaze.

Projekat se bavio i aktivnostima koji su doprinijeli efikasnijoj međunarodnoj operativnoj policijskoj saradnji. U tom smislu, nedavno su se desila dva važna događaja za sigurnosne strukture BiH. Naime, na ministarskom sastanku Konvencije o policijskoj saradnji zemalja jugoistočne Evrope u Bukureštu, predstavnici Europol najavili su otpočinjanje pregovora za zaključivanje operativnog sporazuma s BiH i Crnom Gorom.

Tom pozitivnom pomaku, zahvaljujući angažmanu Projekta, prethodila je izrada prve BiH SOCTA-e (procjena prijetnje od ozbiljnog i organizovanog kriminala) u skladu s metodologijom Europol. Kroz Projekat su obučeni i oformljeni timovi eksperata za stratešku i operativnu analizu.

Također, BiH je preuzela predsjedavanje Konvencijom za policijsku saradnju zemalja jugoistočne Evrope. Među prioritetima bh. predsjedavanja su potpisivanje protokola o prekograničnom nadzoru između zemalja članica, zatim hitnim potjerama, unapređenje saradnje između edukacijskih policijskih ustanova, rad zajedničkih istražnih timova i organizovanje obuka za tužioce i inspektore.

Ohrabruje i posljednji izvještaj Evropske komisije o napretku Bosne i Hercegovine. Ministarstvo kao veliki podstrek u svom budućem radu doživljava ocjene iz izvještaja da je pozitivan pomak zabilježen u oblasti azila, migracija, upravljanja granicom, zatim povećanje broja izvještaja o počinjenom krivičnom djelu korupcije za 48 posto, usvajanje Strategije borbe protiv trgovine ljudima, uspostava Operativne grupe za borbu protiv ilegalne trgovine oružjem i početak rada servera za razmjenu policijskih baza podataka.

Upravo, kroz ovaj projekat urađena je strategija i akcioni plan, te primjena šengenskih mehanizama kontrole i planiranja kako bi Granična policija BiH adekvatno odgovorila na zadatak čuvanja vanjske granice EU.

Predstavljen je i koncept zajedničkih istražnih timova EU u skladu s metodologijom CEPOL-a. Pokrenuta je i inicijativa za potpisivanje sporazuma između BiH i CEPOL-a, što bi se trebalo uskoro desiti. Također, zahvaljujući Projektu, postignut je minimum standarda za usklađivanje zakonodavstva u oblasti oduzimanja nezakonito stečene imovine na nivou države i s relevantnim zakonodavstvom EU.

Ministarstvo sigurnosti BiH, kao koordinator ovog Projekta, nastavit će pružati svoju svesrdnu podršku njegovom provođenju, kao i s ispunjavanjem obaveza prema našim građanima i međunarodnoj zajednici u interesu poboljšanja sigurnosnog ambijenta.



Ovaj projekat finansira Evropska unija



Projekat implementira konzorcij koji predvodi
Savezno ministarstvo unutrašnjih poslova
Republike Austrije

**Vinko Dumančić, direktor,
Granična policija BiH**

U okviru Projekta, dosad je urađena nova Strategija i Akcioni plan za rad Granične policije BiH, promjene legislative Granične policije i bench-marking sistem s katalogom, kao i upute za novu Strategiju komuniciranja s javnošću. Također, obučeni su instruktori iz Granične policije u cilju upoznavanja trenutnih i budućih šengenskih praksi na vanjskoj granici EU i u cilju upoznavanja strateškog i operativnog planiranja u Graničnoj policiji BiH. Mišljenja sam da će sve ovo doprinijeti efikasnijem korištenju postojećih kapaciteta i unapređenju rada Granične policije BiH, te boljem primjenjivanju najboljih EU i šengenskih praksi u našem svakodnevnom radu.



**Žarko Kalem, SIPA –
Kriminalističko - istražni odjel**

Kroz Projekat nam se pružila prilika da sačinimo generalnu procjenu o prioritelnim edukacijama i obukama, nakon čega je započela edukacija kadrova. Treba istaći obuke koje su vezane za problematiku organiziranog kriminala i korupcije, a posebno obuke čiji je fokus bio na primjeni posebnih istražnih radnji. Učešćem u Projektu, SIPA će se zalagati za dostizanje većeg stepena saradnje i koordinacije između ključnih institucija u sektoru sigurnosti, kao i jačanja njihovih funkcija i prenosa znanja o najboljim praksama iz zemalja članica EU.



Ovaj projekat finansira Evropska unija



**Jasmin Pilica, direktor, Agencija
za policijsku podršku BiH**

Mi ćemo nastaviti blisku saradnju sa Projektom u finalnoj fazi implementacije, s ciljem sticanja najboljih EU praksi u radu. Pomoć koja nam je pružena u cilju preuzimanja Zakonom datih nadležnosti provođenja tenderskih procedura za određenu opremu za policijska tijela BiH bila je korisna. Stručnost uložena u analizu naših kapaciteta za obavljanje ovog zadatka bila je važna jer je skrenula pažnju svih zainteresiranih strana i potaknula dijalog kako to sprovesti u praksu u istinsku korist svih uključenih strana.



**Goran Lujčić, šef, Policija Brčko
Distrikta BiH**

Projekat ima značajnog uticaja, u pozitivnom smislu, na cjelokupan rad Policije Brčko distrikta BiH. Ističemo da je kroz projekat Policija unaprijedila kapacitete i sposobnosti za efikasan odgovor na sve savremene i sofisticirane oblike kriminaliteta. Kroz izgradnju integriteta policije, te edukaciju i formiranje i obuku timova za odgovore na sve situacije (pregovarački tim, tim za strateško planiranje, prikriveni istražitelji i sl.) policija je dobila nove mehanizme za borbu protiv organizovanog kriminaliteta, korupcije i terorizma. Moram istaći da Policija podržava i dalje će podržavati provedbu ovog, za nas, značajnog projekta.

**Radoslav Jovičić, ministar
unutrašnjih poslova RS**

Projekat je jednim svojim dijelom zadovoljio potrebe Ministarstva, kako od samog projekta, tako i eksperata. Pokazana je velika fleksibilnost u odnosu na definisanje aktivnosti i stvarnih potreba koje su se u konkretnim situacijama javljale kao prioriteli u okviru komponente VII, koja je u potpunosti bila posvećena MUP-u Republike Srpske. Učestvovali smo i u aktivnostima drugih komponenti koje su se bavile *cross cutting* problemima. Projekat se u određenoj mjeri može ocijeniti pozitivnim, uzimajući u obzir da je bio ograničen samo na transfer znanja, ali da u budućem periodu mora obuhvatiti i opremu koja će pratiti preneseno znanje u borbi protiv aktuelnih krivičnih djela.



**Dragan Lukač, direktor,
Federalna uprava policije**

Podržavam provedbu Projekta EU podrška provedbi zakona, s naglaskom na postavljanje jasnih ciljeva projekta u smislu izgradnje jake policijske strukture i stvaranja sredine za bolje obavljanje policijskih poslova i dostizanja EU standarda u policijskom radu.



Projekat implementira konzorcij koji predvodi
Savezno ministarstvo unutrašnjih poslova
Republike Austrije

O Projektu

Projekat EU podrška provedbi zakona u BiH počeo je u maju 2012. godine, kao dio stalnih napora EU da dovede bh. institucije za provedbu zakona što bliže nivou potrebnom za pristupanje Evropskoj uniji.

Projekat pomaže bh. agencijama za provođenje zakona na svim nivoima da poboljšaju kapacitete i mogućnosti za borbu protiv organizovanog kriminala i korupcije, prošire saradnju s tužilaštvima i iskoriste prednosti regionalne i međunarodne policijske saradnje, te za razmjenu iskustava i najboljih praksi.



Pod vođstvom austrijskog Saveznog ministarstva unutrašnjih poslova, ovaj projekat koristi širok spektar stručne pomoći i drugih partnera iz Evropske unije: Međunarodni centar za razvoj politika migracija, Ministarstvo unutrašnjih poslova Mađarske, Ministarstvo unutrašnjih poslova Slovenije, Policijska akademija Savezne države Brandenburg.

Projekat finansira EU kroz Instrument za pretpristupnu pomoć (IPA 2010) u iznosu od 6,9 miliona eura.

Šta mediji nisu rekli, a može biti zanimljivo?

Posjetite nas na: <http://www.lawenforcement-bih.eu> ili kontaktirajte naš tim za komunikacije:

Monja Koluder

Konsultant za komunikacije

Tel: +387 (0)33 721-594

E-mail: Monja.Koluder@icmpd-bih.org

Julijana Marić

Savjetnik

Tel: +387 (0)33 721-594

E-mail: Julijana.Maric@icmpd-bih.org

Poruka Projekta

Projektni tim će dijeliti svoje znanje i učiti, slušati i davati savjete, održavati kontakte i saradivati, vjerovati i uživati povjerenje, na taj način omogućujući fleksibilnost i transparentnost u radu, dijalog sa građanskim društvom i kontinuitet djelovanja. Projektne aktivnosti će se nadograđivati na već postojeće bilo formalne ili neformalne strukture i mehanizme, fokusirajući se na rješenja koja će biti u primjeni i nakon završetka Projekta, a koja kombinuju evropske standarde s bh. praksom.

Kontakti:

Karl Lesjak

Voditelj tima

Džavida Haverića 7b

71000 Sarajevo, BiH

+387 (0)33 721-590

office@icmpd-bih.org

www.lawenforcement-bih.eu

Samir Rizvo

BiH Koordinator projekta

Ministarstvo sigurnosti BiH

Trg BiH 3

71000 Sarajevo, BiH

+387 (0)33 492-446

www.msb.gov.ba

Delegacija Evropske Unije u BiH

Skenderija 3a

71000 Sarajevo, BiH

+387 (0)33 254-700

delegation-bih@eeas.europa.eu

www.europa.ba



Ovaj projekat finansira Evropska unija



Projekat implementira konzorcij koji predvodi
Savezno ministarstvo unutrašnjih poslova
Republike Austrije